

COMITES DE VOLCKRAH.

Perillustris hæc familia ex vetustis Austriæ inquilinis est, prius tamen Provinciam supra Anatum, quam infra eum testante magni nominis scriptore, incoluit. (a) Fridericus Volckrah in Pach (der Volckrah zu Bach) & Stephanus Volckrah de Koppenberg Anno 1386. in antiquis chartis celebrantur. (b) Præterea Archivum Austriæ publicum Schardinum Volckrah (Schardin der Volckrah) Castellatum in Werbenstein Anno 1426. in vivis fuisse testatur. (c) Johannes Volckrah vineam suam in Grols, Parocho ejus loci Anno 1431. vendidit. (d) Idem Johannes Volckrah Anno 1432. agros prataque ad Castrum Grols spectantia Nobilibus Viris Caparo & Johanni Harrafer pretio tradidit. (e) Wolffgangus Volckrah à Benedicto de Maltiz Curatore Liberorum Fratris sui Bernardi pecuniæ summam mutuum accepit Anno 1513. (f) Wolffgangus Dominus de Eberstorff eundem Wolffgangum Volckrah Toparcham arcis Steinabrunn in testem vocavit Anno 1522. (g) Julius Comes Hardeccius Joachimo Volckrah feuda quædam contulit Anno 1534. (h) Hic præterea proprio & Fratrum Andreae & Agapiti Volckrahorum nomine Johanni a Rosenhart pro illis fide jubenti cautionem obtulit Anno 1540. (i) Cæterum penes hanc familiam memorabile est à Ferdinando Primo Imperatore eidem jus ceræ cærulea utendi 1525. concessum fuisse. (k)

(a) Cl. Spener. part. spec. oper. herald. lib. 2. cap. 104. (b) Id. ibid. (c) Archiv. Stat. Austr. num. 2177. (d) Ibi num. 2267. (e) Ibi num. 2291. (f) Docum. Wurmbbrandian. (g) Archiv. Stat. num. 3717. (h) Ibi num. 3693. (i) Ibi num. 3726. (k) On. Spener. loc. citat.

CAPUT XXXVIII.

BARONES HAGERI.

HAgeri Barones Vetusti Nobilissimique utriusque Austriæ Incolæ sunt. Eorum memoria celebratur in sæpius allegato Mortuario Fratrum Minorum Viennensium (cujus Autographum membranaceum ex Archivo Inclytorum Austriæ Statuum depromptum Ejusdem Monasterii Præposito quem Guardianum vocant, simplici retenta copia, haud multis ab hinc annis extraditum fuit) hac commentatione:

A a

Pag.